

Camaridium dichotomum Schltr., nov. spec.

Epiphyticum, robustum; caule certe elongato, dichotome ramoso, pseudobulbis in furcis caulis sitis, compressis, oblongis, unifoliatis, usque ad 4 cm longis, medio fere 2 cm latis, utrinque vagina foliifera protectis; caulibus (i. e. rhizomate) dense vaginis ancipiti-compressis, imbricantibus, acuminatis, magnis obtectis; foliis erecto-patentibus, oblongis, obtusiuscule

acuminatis, basi petioliformi-contractis, coriaceis, usque ad 25 cm longis, medio fere 3,5—4,7 cm latis; inflorescentiis ex axillis vaginarum caulis natis, unifloris, pedunculo brevi, c. 3 cm longo, basi vaginis paucis obsesso; bractea latiovato-cucullata, acuminata, ovarium fere duplo superante; flore in genere mediocri, glabro, textura tenuiore: sepalo intermedio anguste oblongo, acuto, c. 1 cm longo, concavulo, lateralibus oblique ovatis, acuminatis, cum pede columnae mentum obtusum breve formantibus; petalis oblique ellipticis, acutis, sepalis subaequilongis: labello e basi cuneata medio trilobato, carinis 3 e basi usque ad medium donato, petalis fere aequilongo, lobis lateralibus oblique oblongis, obtusis, erectis, intermedio oblongo, obtuso, carnosulo, decurvulo, marginibus antice paulo incurvulis, lateralibus fere 3-plo majore; columna semitereti, glabra, c. 6 mm longa; ovario cylindraceo, glabro, c. 7 mm longo.

Pichincha: In regione subtropica vallis Nanegal. — Sodiro no. 94, Aug. 1874.

Eine der Arten aus der Verwandtschaft des *C. ochroleucum* Ldl., also zu *Eu-Camaridium* gehörend. Sie ist ausgezeichnet durch die dichotome Verzweigung mit dichter Bedeckung sich dachziegelartig deckender, großer, zusammengedrückter Scheiden an den etwa 15—20 cm langen Zweigstücken.